



TESTAMANT AR VAM GOZ,
DEVIS ET E PEDER GENTEL.

QENTA QENTEL.

Deiz mat deoc'h oll, compagnuez,
Pa zoc'h en em gavet assambles ;
Pêvar bloas antier a so' breman ,
Aboe m'o quelis divezan.

Pell so oc'h eus clêvet lavaret
N'en deo netra map en oalet ;
O vale hac o pourmen dre ar vro ,
E tisquer cals a secrejo.

Guechal pa oan bianic var brec'h va mag'eres
Mar emeus sonch, em boa peder Vestres :
Unan em boa e Guengamp, un all e Landreg'er ,
Un all e Brosaos, merc'h un tabier mezer.

Un all am boa e Gouelou, ur plac'h a gondition ,
He zad a voa aotrou, he mam a voa itron ,
Hac hi a voa demezel, hac ouspen penneres ,
Mes qent ma is d'he guelet, e voan pedet allies.

An hini a Voengamp am boursuive cruel
Da ober outi pe otramant d'e lezel ;
Qercouls e voan poursuivet gant hini Landreg'er .
Bemde e receven a Vrosaos liseriou ,
Ha bemde messajer a escopti Gouelou.

Erfin, pa voan en oad demeus a bemzec mis ;
E voan importunet ha rentet quer scuis ,
Ha me recommand dese donet dar foar da Runan ;
Pa o guelzen ho feder ma qomerzen unan.

An hini a Voengamp am abrasse ,
An hini a Landreg'er am cherisse ,
An hini a Vrosaos a zigasse ganti
A bep sort coanteri evit ma decevi.

An hini dious Gouelou a ouele. a zeploré,
 Pa na garen tréi outi, lezel ar re all a goste,
 Neuse e voan rentet quer scuis o vale dre ar foar,
 Gant ar merc'het ous ma heul. Eg'is peder anoar.

Ha me sonjal caeroc'h abars qemer unan,
 Ober un invantion o laqat o feder en unan ;
 Neuze e voan bianic e qichen va mestres,
 Mont a ren ganti en he godel bémdez da blaç al lèz.

Un devez dreist ar re all o vonet da Voengamp,
 Aruout ur c'houpl lapoucet e qichen va mestres coant,
 Ur filouter fin demeus a G'erahes,
 A droc'has e godel dious bros va mestres.

Me voa ponneric evidon da veza bian,
 Mes al laer a voa dierc'hen hac a redas buan
 En tu all d'ar vallis qent ma sellas,
 Pa zigoras ar godel, tromplet en em gavas.

Hac én quer buan ha va teulel eno,
 Biscoas qement all a vez n'en devoa var un dro ;
 M'em boa queus em c'halon dar marc'hat am boa grêt,
 O velet ar peder se en ur pez laqêt,
 Ha me da foeta bro treze douar Guenet.

Ma voan pêvar blas just ep dont mui d'am bro,
 Ha me laqet forestour var forest Coat-Zalmb.
 Un nosves dreist at re all en em gavis divezat,
 Aruout Guillou ar Bleiz ha va lonqa pen ba troat.

Ma voan en e gof diou nos ha daou ze,
 Epad an amzer ze ec'h aruis em c'hontre ;
 Gant ur c'hos contel a voa g'enén e troch'en peziou
 A zoul e ziadren evit ma veljen goulou.

Neuze e voan laqêt er g'er da zioual ar zaout,
 Em boa peder danvat, ur vioc'h haec ur maout,
 Em boa peder bioc'h lèz hac ul loeïc bian,
 E vizen casset d'o dioual en hent-bras ya-unan.

Ar vugale vunut, evel ma ouzoc'h erfat,
 Pa ve yen an amzer en em laqa da eohat;
 Me voa var an hent bras etreze a Voengamp;
 Hac aruout g'enen ur certen plac'h yaouanq,
 Hac hi gonlen diouzin da biou e voan tad,
 E voan ur bug'el yaouanq en devoa fêçon vad.

Mes n'oan qet den adret, den habil ha den fin,
 Pa e c'hlêvis o parlant e comancis c'hoars n;
 Ha me lavaret dezi an dra ne vouien qet
 Da g'enta merc'h pe vap o po mar queret depordet.

Me voa pemp blas-anter, prest da vont em c'hoec'hvet,
 O sellet ous e bisach ha sellet ous e g'enet,
 Ha me lavaret dezi dre gomzou admirabl,
 Ma vizen daouzec vlas, evel nen don qet anter,
 Me reqetse an eaor da veza ho servicher.

Hac hi pa glêvas se, azea em c'hichen,
 Dre ur guir guriosite da diada va fenn ;
 Hac hi lavaret din ebais e ber gomzou,
 E tenqsen quitat va zaou ha mont ganti d'e bro.

Em c'haseze da ur plac da veza disqet mat,
 Guell cals evit na visen gant va mam ha va zad,
 Ha me mont ganti neuze etreze Poullaouen.
 Elêc'h n'em boa conessanç nac anaoudeg ous den.

Mes eno e voan conduit ha mag'et difripon,
 Gant bara brêñ, souben dour, coc'h q̄, qignen, ognon;
 Pa voen ta mag'et seis blas quer coantic en be zi.
 Neuze e voan daouzec vlas, poent bras da zemezi.
 Hac hi da glasq ar person evit dont d'en ober,
 Me respontas ractal e latin caer ha scler,
 An eil g'er eas ya Fater a so hanvet *noster* ;
 Evit oc'h ini person, biscoas na exercis,
 Evel ne douin qet bet biscoas en ho catheqis.

Hac én goulen ouzin ha me vise contant

Donet da zemesi brema souden VATANT,
 Hac e rose din ur plac'h coant dà gousqet gal.
 Pa vise yen ar gôan da doma va goele.

C'houi so ur goël bipi, a gont din cals a dreo,
 Demisi un den yaouanq n'ousoc'h a belec'h eo;
 Me lar dêc'h franchamant na zemezin qet c'hoas,
 Qepna vezo va mam pe va zat var ar plaç.

Ar person pa glêvas da scrifa ul liser,
 Ha me qemer pen an hent da vont trèse ar g'er,
 Ma teuas ar vrac'h var va lere'h,
 Da goms din evit he merc'h.

Clêvit, emezi, den yaouanq,
 Retournit, ha ne vezit qet feneant;
 Mar qerit retorn c'hoas d'am zi,
 Me reï moyen d'oc'h acordi.

Ma carac'h retorn c'hoas ur vech,
 Me reïo dêc'h souben al lês,
 Ur beren brein, un aval fall,
 Na rosen da hini eus va bugale all.

Penos, emoun-me, ha c'houi so dall,
 Gant ho souben, per, aval fall,
 Gant ho yot qerc'h grêt gant qig sall ;
 It, it d'ar gær.. main ar burzudou,
 Grac'h cos, eru ho fri en ho qinou ;
 Lavarit d'o merc'h en em gonsoli,
 Me ne ran qet a gas anesi.

Ma teuas un ozac'h a fêçon
 Da c'housout petra voa ar rêsion :
 Penos, emezàn, mic'hiec,
 Difêçon bras e parlantet
 Ous an hini en deus o mag'et
 Seis blas antier bars en e zi,
 Ha c'hoas contant dà zemezi.

It d'ar gær, c'houi, va mignon,
 Da spaza ho caz diñdan daston,
 Na gretac'h qet din lavaret
 Dirac den honest ebet,
 Sec'ha ma fri, en ven mic'hiec.

Mes eus ho fri e man pateren ho mam-gos,
 Hac hi o vranla gant an avel evel ur c'hloc'h,
 Hac en dar gær pa glêvas va c'homsoù,
 Ha me qemer pen an hent da vont treze va bro;
 An nos a aruas ha me da c'houlen lojan
 En ti un otrou bras eus e vreg e-unan.

Pa antreis er pors e voa'n itron var an treuziou,
 Ha me d'e saludi ebars e ber gomzou,
 Ha me goulen diouti ha me vise lojet,
 E voan un den yaouanq ne vouien pelec'h monet.

Hac hi goulen diouzin piou a rêt ae'hanon,
 A bez qartier e voan ha demeus a be bro;
 C'houi zo un den adret, ho fêçon a blij din,
 Qeit m'o po bolonte ec'h allit chom em zi.

Me so mab da ur Baron demeus a Vreiz-Izel,
 Aroc ur Brinces vrás emeus renget tec'hel,
 P'ini a falle dezi va c'haout evit pried,
 Mes n'oa qet d'am grêt hac e meus-i refuset.

An aotrou voa deus crec'h a deuas d'am saludi
 Gant ur galon joaüs hac en ur vousc'hoarsin:
 Antreit, den yaouanq, ba deut da dal an tan,
 Me a meus teir verc'h coant, hac o pezo unan.

Ha me en em gaout neuse terrupl bras morc'hedus,
 O velet voan en em gavet en ur plac qen danjerus;
 Rac an nep o deus c'hoant da viret ho goerc'hdat,
 Arabat ê dezo chom etouez ar merc'het.

Qent monet da gousqet e c'houennnis conje
 Da vont ermê ar pors da obx eur bale;

Pa gavis pen an hent ha me comanç da redesc,
Ha caout eur marc'h mat peñini a voa dibret.

Pigna' ris var e g'ein ha d'ar galoop d'am bro,
Marc'h Hamon foulz-biscoas na c'has quer brao en dro!
P'am boa tremenet Goengamp, aru tal Kætahes,
E rancontris ur vrac'h gos o vont e quer gant lèz.

Hac hi goulen diouzin ha me am boa guelet
Yan Gornec, he goas o vont aroc gant ur sac'hat ed;
Ha me o respont dezi em boa guelet ur goas
Gant ur zæ lien melén basou zei bragou bras,
Ha gantan ur plac'hic coant na cesse da boqat.

Ar vrac'h pa glêvas se foeltra he fodat læs,
Tronça he bros he invis var pennou-he diou les,
Hac hi commanç da redesc etteze Montroulez.
Va marc'h a yas gant me dar quer var droat compes.

E I L Q E N T E L

Me a so un dijentil eus a galite vrás.
Va oll ditrou so scifet na gant avalou poas;
Va zat oa ur princ puissant a enezen Cailot,
Hac a fraillas e oll zent gant patates ha yot.

Va zat ous ma c'haret un deiz a laras din
Qemeret e vates p'am bise c'hoant demezi;
Honnes a voa unan demeus ar barfeta
A oufac'h da gompreñ birviqen er bed-mâ.

Ha m'o pe paourente, emezan gant ho pried,
Deus cals a druachou e viot divorc'het:
Nep en deus comenant douar feurm ha leve,
A bæ contribution da bercéptour e gontre.

Nep a sent ous e dat o deus bonheur peurvuia,
Me eure ar c'hortrel, ma rancis sortia:
Lavaret a rin crenn en ur g'ir franchamant,

Biжен ne razen ze gant va c'honsantamant.

Guell e vise g'enén en ur g'ir quitat ar vro ;
 Qent ma rasen ar rot pa ne devoa madou ;
 Ha me neuse souden qemer hent bras Paris ,
 Biscoas en nep tachen assur ne arrêtis ;
 Guell e voa stoqet va fén ebars er vezen bellan ,
 Ha me chom eno neuse souden da denna va halan .

Pa voan eno eta ur poulsat reposet ,
 Ec'h aruas ganén cun ozac'h dilavrec ,
 Hac én goulen diouzin a belêc'h e temen ,
 E ranqe caout va bragou pe e foeltrje va fén .

Setu me ta contraignet ac'hano da dec'hel ,
 Ha me mont da ur baros hanvet Cuvelpenportel ;
 Ma chomis eno neuse wardro daou pe dri mis ,
 Da zisqi secrejou micherou e peb g'is .

Me zo eur mestr micherour mar deus en escopti ,
 Evit ober rochedou , boutou coat peseliou podou pri ;
 Ha menuiser e mein , ha maçonier e coat .
 Gout prena ha guersa a ràn e pep marc'hat .

Afronti ar grag'es . trompla ar varc'hadoures ,
 Biscoas diner custum'na baeis e nep lec'h ,
 Davantach aoun c'hoas pa ve un amitie
 Amàn etre daou zen e form à garante .

Hennes a so eur secret bac a so dificil ,
 Hac evit er gousout e ret beza habil ;
 Rac cals a dut a so pere na ouzont qet
 Fin na commançamant demeus an amouroustet .

Yaouanqis so friant , cosni a so noasus ,
 Ma vent daou demeset e vent bepret morc'hedus ;
 Va amitie so bras en andret ar merc'het ,
 Mes ive an nep a gar a verit beza caret .

Rac-se eta e pedan gant guir hamilite
 An ancou d'o lipat ma nam c'heret iye ,

Ar finna pobl a' voe biscoas er c'hartier,
 Setu ama Yannic ar vil vicher
 Zo deut evit o quelet gant guir humilite,
 Hac er memes amser ar vro bac ar c'hontre.

Me'meus disqet evit va boñiet
 Ar pez biscoas na voa sonjet,
 Da g'enta ezoun qemener,
 Mestr a lestr, ramoner, qere ha qivijer,
 Calvez oun bac ive maçon,
 Rincer ar privenzou hac ouspen-ze, mitron.

Gant art aritmétic bac an negromanci,
 E ran en un istant eus a zaou ober tri;
 Disqi a ran ive secrejou d'ar grag'e,
 Da laza laou ha c'hoën ebars en ho guele.

Selaouit, merc'het ha grag'e,
 Ar reb o deveus laou ha c'hoën en o guele,
 Me zisqo deoc'h eur secret
 D'o laza oll, mar qeret.

Ret e déc'h derc'hel ur c'hoanen du,
 Laqat en he diouscouarn eur palevars ludu,
 Hac he foueta dre ar pel,
 Qen na saillo en he rastel.

Neusé e commanço da yudal,
 Hac e teuyo ar re al da fringal;
 Ha dre ma teuint var an dro,
 Gant al ludus-se en o dallo.

Neuse ec'h aller o lasà a doillou pistolennou,
 Hac ober eus ho bouzellou silzic, goadeg'ennou;
 Me voar ober crampoes ha yot gant patatez,
 Ha laqat ar merc'het da stotat hep paoues.

Labourat a ran er jardinou,
 Ha falc'hat ive dre ar prajou,
 Ober un arat gant ar grac'het,

Hac ur c'har a la malbroug gant lostou c'huilet.

Gant treid siliou sorseresou a raon,
Laqat an dour da redec ouc'h an traon ;
Davantach ez on diviner,
Bepret e ven cayet var ar mæs pe en kær.

Goud a ràn ive ober croeyou ,
Ober guersidi gant treid saout pe loeyou ,
Butun scaferlati , jigoden gant hilin ,
Ha laqat ar merc'het bepret da stotat guin.

Gori a ràn ar forn gant erc'h ,
Ha forci ar merc'het da redec var va lerc'h ;
Stoufa ar forn gant aman fresq .
Disqi ar grag'ez da vrasesi an esec'h.

Redet emeus tout an departamanchou ,
Da zisqi rismadellou ha cals a dalanchou ,
Pere so profitapl d'ar grag'ez peurvuia ,
Ma qeront o disqi ha laqat o sublia.

Da g'entia ribota ha cresqi gant dour al læs ,
Hema so ur secret ha n'en deo qet dies ,
Nea va c'huden hac ober va deves ,
Dansal hac ebata ha cousetQuery allies.

Ispicial ar grag'e hac a fum un nebeut .
Ur secret da viret ober tan hep qeuneud :
Capabl oun da ober tout ar pez a garàn ,
Ha gouzout cals a secrejou da espern ar bara.

Pa ven biqen e contàn
Gousout a oun mui evit na lavaràn ;
Qement tra a so tout a ran nemet brag'eyer pri ,
Mar qerit va c'hredi ha va c'honsideri.

Un aval pa ve meür a ve poent e debri ,
Pa oun deut en oat , poent e din demezi :
Rac-se noblanç ha paysantet , goaset ha merc'het ,
Ebars em brassa anqen m'o ped ya sicouret.

Ur vestres coant ameus en he zi o cluchan,
 Zo hir ha ber ba teo ha moan,
 Hac a fel dei dre fors ma c'haet da briet,
 Nemedi qet d'am grat, na ne goulenoan qet.

Gouscoude e deveus fêçon vad,
 En he fri so tri droatad.
 En he daoulagat tri raouen,
 Ha peder just en he dent.

Evit he g'enou charmant so terrupt dereat,
 Nemet betec he diouscouarn ne bad,
 He sellou a so attiran
 Evel ur bern coc'h en ur pôt-cam.

Elec'h na ve hini nemerti
 Ar goanta ê, mar credit din;
 Pa na gomsan outi avichou,
 E ye qeit he müsellou
 Evel lost ar c'has var an treujou.

Ar plac'hic-mâ pa ya d'an danç
 A so leun a gonseqanç;
 Qer qare eo hac ur variqen,
 Crong'et e ven qent ma e c'haren.

Compagnunes, mar em c'hredet,
 Ne a so bet teir guech demeset:
 Da g'enta em boa ur plac'h yaouanq,
 Hounes na voa na vil na coant.

An eil a voa un intanves,
 Ma na voa nag ês na dies.
 An drede a voa ur gos grac'h,
 Na ne voa na clân na yac'h.

Er bla qenta ma temesis,
 E voa meularjes er c'horais;
 An eil bla ma voan demeset,
 E voa ar Pasq bras da Nedelec.

D'ar Rouane e creis an ân,
 E temesis ar vech divesan
 Da ounes côs ur bla ha cant,
 Ne voa en he fêñ nemet un dant,
 Hac e sonjen e voa yaouanq,
 Tromplet voa va speret gant he g'enet,
 Monet a rân d'ar gær d'e guelet.

TREDE QENTEL.

SELAOUIT oll, tud yaouanq,
 Gomsou m'urbet divertissant
 Evit recrei ho speret,
 Mar bet'h gant nec'h tourmanitet.

Un den yaouanq eus a Dreg'er
 En deus laqet an dra-màn var baper,
 An tenor demeus e vue:
 Dard anero a so g'eyer ive,
 Ha darn all a so guirione.

Bonjour ha joa, va mignonet,
 Pell bras so nemeus o quelet.
 P'o quelis a boa na voa de all,
 Me so ive eur senechal.

Ne greten qet em anavesac'h,
 Gouscoude ezoun map dat vrâc'h,
 Me so mestr Pieres an Dourdu,
 A ra brignen gant guinis du.

Va zad so Charles ar C'hornandon,
 A spaz ar c'has dindan daston,
 Va breur a so an trou Cont,
 C'hoar va mam so va moereb, breur va zad so va yont.

Giles Parafaragaramus ê va hano mat,
 Va leshano ê Cocoricocat;

G'ividic a escotti Treg'er ha Leon,
Credi a ran oun natif eus a baros Croson.

Me so un den a gondition,
Evel pa ven mab da eur baron,
Qender-gompes da Bip Lichibonic,
Breur-caer da Lustucru ar Pinvidic.

Credit mat ezoun-me un excelant barbier,
Rac breur caer oun ive da Yan ar Rasouer,
Hac en deus querent a gondition,
Etoues ar saout, an devet, al loeou, ar c'hochon.

Lusureg'es ha pep sort dieg'i
A scuis gaati guell e pep ii,
Jujumel daenbris côtes mîtes fariôtes
Rusmali gouloudren farionibinetes,
Nep a so diarc'hen ne gollint qet o botes.

Tud jentil, noblanç ha paysantet,
Eus a greis va c'halon me ho ped,
Na vanqit qet, va mignonnet, brema,
Da zont ganeme ha re-all da goania,
Evit gant plijadur recrei ho speret.
Pep ira vad ameus a bell so preparet.

Grêt emeus rost gant diou guespeden,
Pêvar gartier azen bag ug'ent qellienen,
Ne dorot qet ho tent e crignat an esqern;
Traou delicat ameus gant hast bras clasqet,
Ha traou lipous estlam, difficil da gavet,
Treit siliou, discouarn huilet ha coc'h qesec.

Ouspen evit an dessert emeus cavet,
Qerniel c'hoen, ul louarn besq, ur c'hat lostec;
Ne gafet qet cals a dut fur
A gafe ar reman dre natur.

Ur saladen ameus ive clasqet,
Deliou linat ha re alec;

Nen deus qet a guinegr nag heol gante,
Mes dour beol a so larg'ente.

Compagnunes, va excusit, me ho ped,
Rac evit servicha certen na ouson qet;
Qenta qentel am boe biscoas
A voe scrifet gant avalou poas.

Ha na zesqis nemet diou liseren
Adalec va lein bete va meren;
Hac e larent oll din ar scolaerien,
Birviqen ne rajen nemet ur vouriqen.

Ar vagabonet-se a voa inoçantet,
E laret un dra na ouient qet;
Gouscoude e voan seis sisun pe eur mis
Abars biscoas netra mà ouiis,
Pini a voa anaout pen an asén,
Qender-gompes d'an oll dut scolaerien.

Racse na vesit qet den soueset,
Cals a dut a vez alies tromplet,
Gant eur c'havast hep monet pelloc'h,
Nen deus netra tout er bed-màn dificiloch.

Mar gousoc'h ar fêçon, respontit propr,
Ha lavarit pe ben d'ar c'havast a ya aroc;
Serrit ho qinou, pa ho pedân,
Brêmàn ar guel studia a ràn.

P E D E R V E T Q E N T E L.

Ouc'h oac'h dibales dious Paris,
Lantiguen eol decot ilis diflo:
Evit al latin-mâ ne ententet qet,
Selaouit oll e bresonnec,
Hac e clefot e ber gomzou
Publia an ordrenançou.

Un ozac'h cōs a Boullaouen,
 O vont d'ar foar da Rostrenen,
 Da anter Ebrel e mis Even,
 Etre unec heur ha creisde,
 E c'hanas daou a vugale.

Qenta mab en devoe voa Yan Farioqin,
 Ur gourmand infam stoter er vassin,
 Zo bet le Paris o tesqi an nigromanc,
 A eston an dut sot gant cals a eloqanc.

An eil qent ma voa deut er bet
 Ne voa qet c'hoas ganet;
 Hanvet voe Yan al Lorennec ar pot fin,
 A voe grēt Sacrist e bourg Plestin,
 Ha barner en departamanchou,
 Pehini en deus grēt ordrenançou
 Ma rencō an oll merc'het yaouanq,
 Da lavaret eo, neb a zo friant ha coant,
 Mont gant ho mignonet d'an arme,
 Ha da gousqet bennos gante.

Rac-se, merc'het va bro. enem depechit pront
 Ha deut da boqat din pa vezoc'h prest da vont
 Evel amazonet da gaout ho rejimant.
 Da lipat ho routiq a zo potret vaillant.

Peder pe bemp plac'h a Baris
 A deuas d'en em glêm dre valiç,
 N'oa qet avoalc'h evit pepini eur goas.
 Daou pe dri n'oa qet re, na memes davantach.

Pa ezont dirac ar roue,
 E leversont ar franc virione:
 Fidel omp, emeze, d'ho lezen,
 Accordit deomp-ta hor goulen.

Neuse souden voe grēt commandamant
 D'ar merc'het diyallo hag iye d'ar re goant,

Da vont d'ar gær da zebri o c'hoan pe o zijuni,
Ma ne falle qet dê passeal gant peb a hini.

Merc'het yaouanq Costes an Nord
Zo qasi peutvuia eon pe dort,
Ha re'n departamanchou all, couls a re Finister,
Zo ordinal soupsonet da gavet boutou ber.

Potret yaouanq va bro gout a ouzoc'h
Penos merchet Lanneür, Plougaznou, Plouezoc'h
Plégat, Sant-Yan-ar-bis, Plouyan, Plourin, Garlan,
A renqo coust pe govit cousqet gant pep a unan.

Hac an esaë'h hag ar grag'es
O deus avertissaint ives
Pa viont squis da zisquisa,
Da sench ha da zispartia :
En Oriant, en Henbont hac e Pontivï
En deus chenchet meur a hini.

An dra-se evit esamant ar vio,
Setu aru mis Guengolo,
Erru foar an Troqerezou
Da vouel Maze var mene Brez
E troq an ezac'h hag ar grag'ez.
Nep a so squis gant e bar,
Laqit al licou en e fen, hac it ganti d'ar foar.

Tud jentil, noblanç ha paysaniet,
A greis va c'halon me ho ped,
Mar ben quer frajil d'oc'h offansi
Gant ur goms drouc-lavaret, m'o ped d'am excusi.
N'en doun qet un den en defe studiet,
Hac a velfe a bell an traou a so cuset.

Bian ê va speret, bian va heritach,
Testamant va mam gos a vo va oll bartach,
Hounes a laras din dre gomsou excelant,
D'ar c'houls ma voa hi cos me a voa den yaouanq.

Va mab, na laqit qet, mar queret,

Ho stil e peb lêc'h da re garet :
 Dalc'h va mir g'enet da yalc'h ;
 Ar bleis ma ve demezet a zeufe don aoualc'h.

Benos Doue d'an diner
 A ra e hostis e pep qær,
 Gallec ha brezonec a oar.
 Hac ober e hostis e pep foar :
 An amzer a ra an hat,
 Hac an arc'hant a ra ar marc'hat.

Merc'het qèz, divoallit teod fal bioc'h kikamoult,
 Hounes so, moc'h assur, ur pez an tansinfoalit ;
 Evidon-me, neus fors ha pa ven tamallet,
 Va deviz a vezoz : E PEB HENT LEALDET.

Setu amàn Testamant va mam gôs ,
 Pini a dleit lenn hac en deis hac en nos,
 A voa scrifet pemzec de qent ma clàncas ,
 Ha dictet tri dez goude ma varvas ,
 Testamant caër , scrifet gant plous ,
 A so bet alaouret gant daoulagat picous.

Composest gant Ustach Toraval ,
 Hac e gonsort Jeromic Kikikokokaraval ,
 E gamarat Yan ar Maout , gorroer ar zaout ,
 Hac e g'ender Yan ar Zaout , a so mal e gaout.

Nep a fel dezân cavout an Testamant ,
 A renq eta donet promptamant
 Da Vontroulez da di LÉDAN , Imprimer ,
 A g'ever en e di pa ve chomet er gær.

F I N.